




E. Olavius.
De igne subterraneo
in Islandia.







550

Egg

DISQVISITIO ANTIQVARIO-PHYSICA
PRÆMITTENDA ENARRATIONUM ISLANDI-
CARUM PARTICULÆ SECUNDÆ,

DE

ORTU & PROGRESSU
SUPERSTITIONIS CIRCA
IGNEM ISLANDIÆ SUB-
TERRANEUM, VULGO
INFERNALEM,

SUPERSTRUCTA

FIDEI SCRIPTORUM BOREÆ
FABULOSORUM,

EX

ANTIQVISSIMIS MANUSCRIPTIS IMPRIMIS

VERO E SPECULO REGALI,

CUJUS

PARTICULAM PRIMAM

PUBLICO OPPONENTIUM

EXAMINI SUBMITTIT

EGERHARDUS OLAVIUS ISL.

RESPONDENTE

NORILISSIMO ET OPTIMÆ SPEI JUUENE,

DAVIDE SCHEWINGIO,

In Auditorio
COLLEG. MEDIC.

Anno 1751. die 2. Jun. h. p. m. f.

H A F N I Æ

Typis Berlingianis excudebat Ludolphus
Henricus Lillie.

THE UNIVERSITY OF CHICAGO
LIBRARY
1000 EAST 58TH STREET
CHICAGO, ILL. 60637

ORIGIN & PROGRESS
OF THE
AMERICAN
ISLANDS
SOCIETY
TERMINUS, VULGO



Imprimatur,

J. C. Kall.

3/11/19



Ad Lectorem.



De respectu præsentis Disquisitionis, quæ monenda sunt, sistunt primæ & ultimæ Paragraphi. Instituti ansam porrexerunt, vel potius obtruserunt quidam exteri, quibus, quum de fide Scriptorum nostræ Gentis antiquorum agitur, aqua semper hæret. Cum autem hæc etiam eventus naturæ contineant, figmentis satis implicite circumretitos, quibus superstruenda est Revolutionum Islandici ignis Historia, dubii fallacitatem proderé, & quæ credenda sunt, monstrare duxi fore peropus. Nemo tamen, opto, nimis fabularum vel superstitionum confidentiæ me insimulabit, cum mediam viam quæsserim, inter binas istas utringve extremitates, in quas multos delabi videmus, qui Monumenta nostratum fabulosa volventes, omnia vera, mixtim ac falsa, aut ad falsa solum, aut vera referunt. Postquam igitur scripta fabulosa in suum redegei ordinem, notam illam superstitionem ingressus, de subterranei ignis inferno in Islandia, in eo potissimum operam meam collocaui, ut



vera, quæ hanc superstitionem progenuerunt, & naturâ, etiam à doctioribus, falsa esse visa sunt, promulgarentur, & ab iis, & quæ aspectu & re falsa sunt, secernerentur. Ut sunt: Ignis olei instar, tum in terra, tum in mari & lacubus, Saxis, ipsaque aquæ ardentes; Ignis, in ipsis montium & terrarum incendiis, ligna, gramen, vel alias res facile inflammabiles, non consumentes, &c. Quod primos fabularum orbis apud veteres, sive antiquissimam fingendi methodum & Historiam spectat, tam generaliter, quam in specie de montibus Islandiæ ignivomis, eos alibi exposui, singulari libello, cujus titulus est: Populorum Borealiû Theologiæ gentilis Historia, & qui agit de natura deorum & geniorum juxta harum gentium Pneumatologiam, sive Magiam Practicam. Hunc, cum aliquantisper preli occasionem expectaverit, sæpius citavi, & eo, tanquam fundamento usus sum. Caterum Lector, ignosces, rogo hujus materiæ præmaturæ abscissioni, & illam potius inevitabili atque improvise remoræ, quam propriæ tarditati tribues. Vale!

Sectio Prima,

De

Scriptoribus Septentrionis antiquis quomodo
noscendis & quæ credendis.

CAPUT PRIMUM,

De

Fide Scriptorum Septentrionis Fabulorum
in genere.

§. I. Absoluta qualitercunque revolutionum historia, quas Islandia, ante hominum memoriam passa est, ad historiam progreditur.

grediendum est residuam, mutationum & everfionum omnium, quas in Islandicæ terræ superficie, postquam à Norvegis & aliis vicinis gentibus occupata est, ad nostrum usque tempus, progeneravit ignis subterraneus.

§. 2. Quoniam autem aliquoties, in allegandis posthac, veterum scriptorum Islandicorum sententiis & testimoniis, occurrunt res, & specie & natura commentitiæ, quæ fidem eorum subleſtam reddere videntur, & aliquatenus noſtrarum narrationum fundamenta ſubruere, neceſſum duxi, prius quam nos narrationis operi accingimus, impedimenta removere, & aliqua præluſione eorum nomen, quâ inſtitutum poſtulat, tueri.

§. 3. Sane non inſicias iri poterit, quoniam fabuloſa iſta & ſuperſtitioſa eventa quæ ſparſim vetuſtiſſimas noſtras membranas prolixiores efficiunt, cauſa fuerint affectæ illarum fidei, dede- rintque jugiter anſam externis ſcriptoris, hanc ipſis planè abrogandi, ferendique de iis acerbum iudicium.

§. 4. Hanc ob rem, ut iudiciis ejus farinæ quādamtenus mederetur, conſcripta eſt Hiſtoria illa gentilis Theologica, quæ jacere prima fundamenta, noſcendæ in fabulis veritatis, & ſimul defendendæ Auſtorum Veterum famæ, cogitabam, continet enim hæc fabulas, earum ortus & fingendi modos antiquitatis, quæ omnia noſtrum inſtitutum ſpectant & promovent.

§. 5. Quoties Auſtorum Antiquitatis Borealiū fides experiunda eſt, in certas claſſes debent diſtingvi, ut primo generaliter in *Serios* & *Jocoſos*. Jocoſi iterum vel merè vel ex parte *Jocoſi* ſunt. Merè Jocoſos voco, qui fabulas ſolum continent vel commenta, illo tantum reſpectu effecta, ut miros & inauditos eventus narrando, lectorem deleſcent; tempusque fal-
lant & tædium. Ex parte Jocoſi ſunt, qui etiam ſi fabulas diſto-



modo perhibeant, tamen vel nomina vel res, de quibus agitur, aliquando verè extiterunt, & quibusdam circumstantiis, vel antiquitati, vel recentioribus fingendi de se occasionem dederunt.

§. 6. Tales Historias nostrates speciali nomine *Strøfsaugur*, sive fictitias narrationes vocant. Scriptorum merè Jocorum & Fabulorum multa sunt exempla, ut *Æyrets rydsørta saga*, *Jingvars saga* & multæ aliæ, quas (a) Torfæus enumerat. Scripta ex parte Jocosæ & Fabulosæ sunt: *Hervarar og Vosa saga* & *Þorsteins Dyfings Sonar saga*, de quâ olim (b) Bartholinus & (c) Reenhielmus controversati sunt. Freqventer etiam vetustissimæ septentrionis historiæ, ad earum classem, quæ ex parte fabulosæ sunt, referuntur.

(a) Vide sub initium, seriem Regum Danorum.

(b) Antiquitatum Danicarum lib. 2. cap. 1.

(c) Not. ad Historiam Olai Trigvini, cap. 12. Auctore Oddo Monacho.

§. 7. Scripta *Seria* sunt, quorum respectus est *Serius*, sive rerum gestarum veritas. Possent quoque ad horum numerum referri ultimæ Jocosorum classis historiæ (§. 6.), si ad materiam tantum respexissem, hæc enim plerunquæ gravis est, & tristibus eventis, ut pugnis & cædibus severa. Verum ad *Seriæ* respectus potius exigitur (§. 5.) quam materia, videmus enim Tragedias, & fabulorum censoriam gravitatem, multis hominibus longè esse Jocosiores & magis delectabiles, quam comicam levitatem.

§. 8. Scripta *Seria* sunt *Multiplicia*, ea autem tantum ad nostrum scopum pertinent, quæ fabulosæ sunt, sive à fabulis non immunia, & horum sigillatim fides est, quam inspiciendam esse & firmandam supra (§. 2, 3 & 4) innui. Scripta *Seria*, quæ fabulas in se continent & quorum nihilominus auctorum fides afflicta

afflicta jure non est, in duas classes dividuntur. In priori sunt, quæ merè Jocosæ esse & fabulosæ prima fronte videntur, revera autem circa res, veras & serias versantur, in his enim auctores eorum sub fictis certarum personarum nominibus & circumstantiis, verarum vitas & gesta tradunt. In secundâ, quæ verorum gerunt titulos & etiam vera sunt, præterea quod fabulas paucas, serias & certâ ratione compositas, admixtas sibi habeant.

§. 9. Prioris classis exemplum nobilissimum est *Edda*, quæ rudimenta Theologiæ Septentrionalis Ethnicæ, ab Othino tradita completitur. Hæc in plures, sed perbreves Historias divisa est, quæ etiamsi nudæ esse fabulæ appareant, tamen revera sunt doctrinæ morales, partim ex scriptura sacra, partim Græcorum & Romanorum Philosophorum placitis haustæ, & (d) ob certas rationes politicas, pro eventuum antiquissimorum numero, sub commentitiis deorum, & locorum nominibus, Exemplaris Historiæ instar propositæ, quam ob causam *Dæmi sanguis*, hoc est exempla Historica, sive Exemplares Narrationes appellantur. Hinc (e) Resenius non rectè, forte incuriâ *Dæmi sanguis* fabulas reddidit, (f) Bartholinus autem melius Mythologias vocavit.

(d) Hist. Theol. Scet. 1. cap. 1. 2. & seqq.

(e) Edda Impr. Hafn.

(f) In ejus antiquitatibus danicis.

§. 10. Classis posterio- ris exempla sunt fere innumera, quippe rarissima sunt Auctorum Borealium antiquorum scripta, quorum incorrupta fides est, in quibus non talia figmenta deprehendantur, cum autem horum usus sim opera, in sequenti subterranei ignis historia, & in ipsam figmenta passim incurrant, in vindicanda eorum fama specialem operam consumam.



CAPUT SECUNDUM,

De

Fide Scriptorum Septentrionalium, in specie, qui
Fabulas Politicas, Religiosas & supersti-
tiosas perhibent.

§. 11. Ex titulo hujus capitis patescit triplicis generis esse fabulas, quæ in auctorum nostratum seniorum vulgoque classi-
corum scripta irrepserunt. Politicas nempe, religiosas & su-
perstitiosas. Hæ omnes valde cognatæ sunt, & eandem plerum-
que originem noscunt. Si vero alia earum divisio esset con-
denda, hæc ab ætate desumeretur; Quasi fabulæ politicæ sint
primitivæ & generatrices religiosarum, quæ iterum supersti-
tiosas ex se progignunt.

§. 12. Fabulæ enim *Politica* sunt, quas principes & alii ho-
mines majoris notæ, vel de se ipsis, vel aliis ementiebantur,
ad stabiliendam vel ampliandam propriam dignitatem. Sive,
quas ipsum vulgus ultro spargebat, admiratione captum, de
magnis hominibus, qui præter opinionem, singulari virtute,
sapientia, & felici rerum gerendarum successu, à summo nu-
mine beati sunt. Nam consentientibus ipsis atque annuentibus,
statim eos vulgus, vel pro semidiis, vel deorum sociis & fami-
liaribus, habuit.

§. 13. Insigne fabularum poeticarum exemplum dedit Othi-
nus (g) qui felicissimos sui progressus omnes propriæ scientiæ
adscriptis, & supranaturali potentiæ, unde in vita ad summam
rerum, & post mortem ad summos deorum honores effectus est.
Sic etiam (h) Capri-Björn, vulgo *Sasur-Björn*, deorum tu-
telarium sodalicio felicissimus ditissimusque evasisse fertur.

(g) Hist Theol. Sect. 1. cap. 1. in Chron. Starcksöniano.

(h) Ibid. Sect. 3. cap. 1. in libro originum Islandicorum.

§. 14. *Fabulæ Religiosæ* sunt figmenta, quæ pro certissima sanctissimâque veritate habebantur in doctrina Ethnicorum Theologica. Hæ à Juris Universalis Patronis & Sacerdotibus initio, componebantur & plebi communicabantur, partim ad coercendam eam & in cæca obedientia tenendam, partim ad facultates sui multiplicandas. Hinc sapissimè *Fabulæ Religiosæ* Politicis admiscuntur & adunantur, rationes enim Politicas in causa fuisse fabularum multæ nos Historiæ edocent.

§. 15. Exempla fabularum religiosarum permulta sunt, ut quæ leges sacra, vel constituebant, vel ex iis pendebant. Talia sunt in (i) Edda præmia & pœnæ actionum humanarum post mortem, ut morsus angvis magni Nid-höggi, & carcer venenatus in Niff-heimo; bonus vero potus & omnifaria gaudia in cælis. Sic (k) Ingemundus Priscus, cum eximium Rafneri gladium ættar-tanga frustra expetivisset, alliciebat incautum Rafnerum, ut fanum secum ingrederetur, ast, cum contra leges & mores Ethnicorum gladium inscius portasset, statim Ingemundus, ut Hof-Godi, sive sacorum antistes, Goda-gremmi, hoc est iram & odium deorum ei indicavit, amiceque pervasit, ut ad placandos Deos gladium ipsis diceret, & in fano relinqueret. Coactus morem gessit Rafnerus, Ingemundus autem hoc modo gladio potiebatur.

(i) Hist. Theol. Sect. 1. cap. 4. ex Edda.

(k) Vafnædæla saga, cap. 17. Hæc Historia de quibusdam Islandiæ Borealis Aethletis agit.

§. 16. *Fabulæ Superstitiosæ* sunt figmenta, quæ è legibus sacris & fabulis religionis (§. 14.), sive de natura deorum traditionibus, sive ratione hausta sunt. Ut autem superstitio quælibet cultum significat, qui vel est supervacaneus vel sine sufficienti ratione in primitivis religionis præceptis fundatur, initio plerumque à plebe ita fabulæ superstitiosæ sunt, quæ superstitionem continent & adaugent.

):(

§. 16.



§. 17. Tales sapiunt fabulas antiquissimorum svecorum opiniones, quibus *Drottas*, sive Reges suos annonæ mutationes efficere credebant, & ita vel immortales in tumulis suis annonæ bonitatem prolongare, vel caritatem mactatos tollere credebant. Sic ^(l) Freyum, ab Othino tertium, tumulatum vivere & annonam dirigere; contra ^(m) Domaldum ab Othino octavum, ejus caritatem efficere opinabantur, unde sanguine ejus idolorum suorum aras perspergebant. Similimodo Olaum Tretelgiam sive ⁽ⁿ⁾ lignicidam trucidarunt, & ejus hostias Othino litarunt.

^(l) V. Sn. Sturl. & Heimskringla. Part. 1. cap. 12.

^(m) ibid. cap. 19.

⁽ⁿ⁾ ibid. cap. 47.

§. 18. Hæ tres fabularum divisiones, ut antea (§. 11.) diximus, inter se multum conveniunt, & sapius idem sunt, ipsa materia, nimirum cum de religione agitur, unde quis posset obijcere: inutilem esse hunc divisionem, sed nihilominus respectu temporis manebit assertio (§. 11.) quoniam fabulæ politicæ sunt Primitivæ, sive ortum præbent fabulis religiosis, & in eas paullatim abeunt, absque plebis, & etiam non raro ipsorum antistitiū scientia, ita ut tunc politica earum ortus ratio, vulgo non internoscatur. De fabulis supersticiosiis idem dicendum est, nam priusquam superstitio existit, necessum est existat religio, licet in eam non raro, sive leges sacras publicas, superstitio longinquitate temporis transmutetur.

§. 19. Sed & in super non raro ipsa materia differunt. Fabulæ Politicæ à religiosis, quoties non ad pietatis, sive Religionis similitudinem, recta tendunt, nec ab auctore intenditur, ut ita æstimentur. Parimodo fabulæ supersticiosa à religiosis interdum vera differunt materia, quum falso & absurde ab iisdem derivantur, licet aliquanto post tempore pro vera

vera religione. accipiantur & ita alias ex se superstitiones progignant.

§. 20. Cum jam ipsa antiquitas recitans huc usque fabulas confinxerit, & eventuum tam naturæ quam hominum narrationibus illas admiscuerit, quis unquam historicos, qui illas cum rebus cæteris, literis mandarunt, mendacii jure insimulabit, vel eam ob rem ipsorum infirmabit fidem. E contra, me iudice, iis grates habere debet posteritas, quod silentio illas non transierint, ut plerumque maximè necessarias, ad difficillima historiarum loca dilucidanda. Inculpati autem historici munus est palmarium, omnia, quæ ad illustrandam, quam tractat, rem pertinent, afferre, unde dictos nostros historicos (§. 11.), quæ debuerunt, præstitisse constat.

§. 21. Qui autem à veteribus expectat, ut Philosophicum criticumque de talibus figmentis examen instituant, illi respondeo: Veteres auctores non egisse censores actionum præteritarum, sed duntaxat recensores. Si de iis sermo est, qui gentilem historiam conscripserunt, citissimè eos excusare possumus, cum non oculati testes adfuerint, sed majorum suorum relationes exaraverint, nam cum Christianismo, & quidem primum Seculo undecimo, librorum scriptio incipiebat. Consimiliter, qui in Christianismo, de rebus sui temporis scripsere, excusamus historicos, quoniam eventus supersticiosos, prout vulgus clerusque tradidit, notarunt, non prout ipsi viderunt, vel se vidisse confessi sunt, ut, si ipsi superstitionibus imbuti fuerint, si non, integram historiam posteritati relinquerent, quæ verum à falso posset distingvere.



Seçtio Secunda,

De

Ortu & Progressu Superstitionis circa ignem Islandiæ
subterraneum, qvòd infernalis sit,
ejusqve Examine.

CAPUT PRIMUM,

De

Origine hujus superstitionis in Ethnicismo.

§. 22. Hucusqve de fabulis & superstitionibus in genere verba fecimus, diximus, qva eorum fides tutà sit, qui eas mixtim cum veris in libros suos conjecerunt. Posthac autem de illa solum superstitione agendum est, qvæ prima jecit fundamenta rudis istius opinionis, qvòd subtus in Islandia locus esset æternorum cruciatuum, & qvòd ignis ille subterraneus, qui passim in illa Insula compluries erupit, pars esset ignis infernalis, qvo impij torqventur, cum in sequentibus ignis Islandici revolutionum narrationibus, hujus superstitionis non raro vestigia legantur.

§. 23. De hac superstitione audacter scripserunt & veram esse asseverârunt plures exteri, qvorum infra nomina lectori communicabo. Contra eos surgebat Arngrimus Jonæ Islandus, Patriæ contra Calumniatores propugnator acerrimus, eorum, de hac superstitione testimonia (o) negando & cavillando. Hujus quoqve superstitionis ortum tetigit, secundum Argrimum (p) Thomas Fartholinus, neuter autem horum duumvirorum eum monstravit, vel Superstitionis progressum & mutationem enucleavit, unde id tentare mihi proposui.

(o) Comment. de Isl. Fol. 27. & seqq.

(p) Antiquit. Dan lib. 2. c. 6.



DISQVISITIO ANTIQVARIO-PHYSICA
PRÆMITTENDA ENARRATIONUM ISLANDI-
CARUM PARTICULÆ SECUNDÆ,

De

ORTU & PROGRESSU
SUPERSTITIONIS CIRCA
IGNEM ISLANDIÆ SUB-
TERRANEUM, VULGO
INFERNALEM,

SUPERSTRUCTA

FIDEI SCRIPTORUM BOREÆ
FABULOSORUM,

EX

ANTIQVISSIMIS MANUSCRIPTIS IMPRIMIS
VERO É SPECULO REGALI,

CUJUS

PARTICULAM SECUNDAM

PUBLICO OPPONENTIUM

EXAMINI SUBMITTIT

EGERHARDUS OLAVIUS, Isl.

RESPONDENTE

NOBILISSIMO ET OPTIMÆ SPEI JUVE NE

DAVIDE SCHEWINGIO,

In Auditorio
COLLEG. MEDIC.

Anno 1751. die Dec. h p. m. f.



H A F N I Æ

Typis Berlingianis excudebat Ludolphus
Henricus Lillie.

Imprimatur

J. C. KALL,



§. 24.



Primos fontes Superstitionis circa ignem Subterraneum longè esse antiquiores, quam vulgo creditur, jure mihi pervasum habeo, cum in Primidva Ethnicorum Theologia eorum Originem quærenda sit. Ignis primum esse Creatorem, Sive potius Inventorem Othinum, ex (q) Edda constat, qui Promethei instar, è cælo, Supremi numinis (r) Antemuudano, rapuisse Igniculos, in cælum terræ nostræ nuper conditum transtulisse, & Solem Lunam aliasque Stellas ex iis fecisse fertur. Hinc in Othini potestate Situm esse credebatur, (s) Ignem exstingvere & moderari, nec non (t) Amicos suos contra Ignis Vim munire.

(q) Eddæ Part. I. Cap. 6. þa tofka þeir Siun or Muspella:heimi oc settu ofann oc nedann a Himinnum at lysa Jaurdymni. h. e. Tunc Sumebant ignitas materias è mundo Muspellenti & constituebant eas in cælo Superius & inferius, ut illuminarent terram.

(r) Hist. Theol. sæd. I. Cap. 2.

(s) Sn. St. Vesi Nornega Konunga Part. I. Cap. 6. Oþinn kunní með Væþom einom, at slaukva elld, þíra Sía oc sína Uindom a buorja leiþ er þann Uilddi. h. e. Othinn poterat nudis Verbis compescere ignem, mare Sedare, & ventos quocumque voluit vertere.

(t) Ibid. Cap. 7. Quattí elldr nie Jarn orkti a þa. h. e. Neque ferrum neque Ignis eos Superabat vel contra eos quid efficiebat.

§. 25. Similiter Othinus, qvi (u) Supremus esse, & Patrens Omnium Deorum credebatur iis hanc in ignem potestatem, ut alias creatas res, dedisse fertur. Inter Deos Superiores (x) Specialiter Niordero Freiri Patri hæc tribuitur,

(u) Hist. Theol. Sect. I. Cap. 2.

(x) Eddæ Cap. 12 & 14.

§. 26. Ut autem inter Deos Minores Terrestres, Land-vætti, Sive Terræ Genii Tutelares regionum curam gerere (y) Olim putabantur, & Subterranea receptacula, montes collesqve inhabitare, ita hi potestatem maximè Specialem apud Othinum, regendi terrestrem Ignem Obtinuerunt, quod infra monstrandum est.

(y) Hist. Theol. Sect. III. Cap. 1.

§. 27. Land-vættorum naturam & potestatem alio loco, Scilicet in Historia Theol. in lucem protulimus. Inter Deos Minores erant, & præsertim Tutores esse putabantur & promotores rei Oeconomicae, omnium terræ revolutionum præscii, ut (z) ruinae montium (aa) eruptionum Ignis Subterranei & aliarum, de quibus amicos Suos præmonuerunt. Ipsi etiam Montes & Saxa inhabitabant; unde Sapius (bb) **Þiarg buar** Sive Saxicolæ vocantur. (cc) Irati, homines à propriis habitaculis prohibere potuerunt & Reges regnis expellere, quod exemplo Erici Blodöxii, Norvagiæ Regis notum est, per (dd) Eigilli Skalla-Grimi filii Incantamenta.

(z) Sagann af Rasn-Battli Greis: Göða. Cap. 1. Ubi Hallfredus Rasn-Ketili Pater per talem Land-vættum certior fit in Somnio, de imminente Montis Geit-dalensis ruina. Et Land-nama Saga Part. 4. Cap. 3. De ruina Skrid-dalensi Simile exemplum Suggestit.

(aa) Landn. Saga de Rasno Hasn, líkilo Part. 4. Cap. 12. **hætt niSi firir ellds,** up-tomu, **oe færdi þa þu sit i Lag-ey.** h. e. Hic præsciebat Ignis Eruptionem & transmigrabat in Lag-eyam. Ubi tacite Land-vættorum præmonitio indicatur.

(bb) Vid.

(bb) Vid. Capri-Biörnönis Exemplum Landn-Saga, coll. Hist. Theolog. Sc&. 3. Cap. 1.

(cc) Hist. Theol. loco cit. & Olafs Triguasf. Saga. Part. 2. Cap. 48. Ubi de Land-vættorum fugitivorum infestationibus Sermo est.

(dd) Sagan af Ngli Skalla-Gr. syni. Cap. 37.

§. 28. Quamvis abundantem exemplorum frequentiam Suppeditent monumenta Islandica, tamen in Islandia non primum exorta est hæc Superstitio de Land-vættis, sed Norvegi è sua Patria in Islandiam eam transtulerunt, quod non solum (ee) è fuga & exilio Landvættorum in Norvegia, constat cum Christiana religio radices agere cœpisset, sed & antiquiori (ff) Eigg. Skalla-Grinnii exemplo. Hic, cum illi controversia cum Gunnhilda vulgo Regum Matre dicta intercederet & Eirico Norvegiæ Rege, Marito ejus, ulturus illatam sibi injuriam, Magicis, incantationibus & in erectum contum Sublato equæ capite dehiscenti, Land-vættos jussit (gg) ut Regem & Reginam abigerent, regnoque & terris subjectis exuerent. Patet autem inde, eandem Norvegis superstitionem inhæsisse, præsertim cum privato paulopost regno exulante & in Angliam se recipiente Erico Rege, cum Gunnhilda, vulgo creditum fuerit; id tribui debere Eigillo, qui suis incantamentis Land-vættos Norvegicos compulisset ad voluntatem suam exsequendam, Regemque regno extrudendum.

(ee) Ol. Triguasf. Sangu. Part. 2. Cap. 45. Ubi Rex Olaus Trivinus Land-vættum quendam navigantem insectatur, conf. ib. Cap. 48.

(ff) Eiggils SE. Gr. S. Sangu. Cap. 37. Eg syni Nydi þessu a Land vættir þar er þetta land biggia, suo at allar fari þar allar uega of enginn þendi nie hitti sitt inni fir enn þar reka Eirík Konung og Gunnhill, di or landi. h. e. Dirigo hocce efficax insamix Signum in Terrestres Deos qui hanc terram (Norvegiam qua tunc Solvebat Eigillus) inhabitant, ut omnes palentur errabundi, nemoque offendat inveniatur suum habitaculum, priusquam expulerunt Eiricum Regem & Gunn- hildam e Regno,

(gg) Ibid. conf. Supra §. 27.

§. 29. Sed in Islandia major esse putabatur Land-vættorum numerus, ex montositate hujus Insulæ, quâ, pro magnitudine terræ & continuis celsissimorum Montium jugis, alias regiones superat; Montana autem propria erant horum geniorum domicilia, unde quædam (hh) Nomarchiæ Skapta-fellensis in Islandia Orientali, loca tanta eorum frequentia & imperiositate claruerunt, ut diu nemo sedes ibi figere auderet. Et Magus, Haraldi, Gormonii, Daniæ Regis Explorator, in Islandiam missus, cum Rex Islandis ob contumeliosum carmen, bellum inferre Statuisset, ei nuntiavit (ii) omnia Insulæ montana ab his diis habitari, qui eum Magica virtute profectum terram lustrare prohibebant cogebantque infecta re reverti.

(hh) Landn. Saga Part. 4. Cap. 13. Aulver sun Eysteins nam land fyrri austan Grimsa þar hafði engin maðr þórat at nema fyrri Land-vættum, síðan Hiorleifur var drepinn. h. e. Aulverus Eisteini filius occupabat terram ab Orientali ripa Amnis Grimsæ, ubi nemo ausus fuerat Occupare (fundum) post eadem Hiorleifi. Hic enim Occisus fuerat à Mancipiis suis, instinctu, ut credebatur Land-vættorum, quoniam Deorum Gentilium cultum per totam vitam despexerat, testante socio ejus Ingolfo, primo terræ incola. vid. Loc. cit. Part. I. Cap. 7.

(ii) Vid. Anytlinga-Saga. Cap. 3. & Ol. Triguaf. Saga, or Heims-Bringa In Sn. Sturluf. Cap. 36. Ubi inter alia hæc exstant: Hann sa at Gíallull oc Holar varo fullir af Land-vættum. h. e. Videbat (Magus) Montes, omnes & tumulos (Islandiæ) repletos esse interius Land-vættis.

§. 30. Ut è multitudine Montium concludebant Veteres Land-vættorum frequentiam, ita è constitutione eorundem, nimirum cavernositate intrinseca antrorum Cryptarumque nam his quoque montes Islandici, montibus aliarum regionum præstant. Eodem modo ex hac cavernositate æqvè ac ipsorum Landvættorum potentia & Parrocínio (v. §. 27.) profecta est veterum Superstitio de jucundis apud eos post mortem

mortem mansionibus, præsertim eorum, qui vitam vixerunt quietam, rusticam. Hæ mansiones tot erant quot credentes, & familiis semper vicinæ, quæ ad eas pertinuerunt. Sic (kk) Thorolfus Barbæ Mostrensis, se cum suis, in Montem Sanctum, post mortem recessurum esse credebatur; (ll) Sel-Thorerus in Doris, Vîaurg & Auduræ Posterius (mm) in Kross-hola. Imo apparere sæpius nuper mortuorum manes tales montes intrare. Ut (nn) Svanii Magi, montem Kald-bacum & Thorsteini Thorolfi filii, (oo) Montem Sanctum.

(kk) Landn. Saga Part. 2. Cap. 12. & Eyr-bigga: Saga Cap. 4: Pat uar trua Þorolfs oc Grænda hanna, at þeir dæo i hiallit. h. e. Credebat Thorolfus & ejus Agnati se, cum Supremum diem obirent, in montem esse recessuros.

(ll) Landn. Saga. ibid. Cap. 5.

(mm) Landn. Saga. Part. 2. Cap. 16.

(nn) Nials: Saga. Cap. 14

(oo) Eyrb. Saga. Cap. 13.

§. 31. Ob tantam Land-vættorum potestatem (§. 28. & 29.), curam rei Familiaris (§. 27.) & in altera vita hospitalitatem, veteres eos extimescebant, & quam maximis honoribus prosequiebantur. Mons Sanctus tanta religione colebatur, ut (pp) nemini illoto fas esset eum aspicere, nec liceret homines vel animalia, quæquid in morte manerent inquirere vel infestare. Omnes actiones & signa effugiebant, quæ his patronis suis ingrata esse & detestabilia sciverunt, ne metuere possent de eorum cohabitatione tutela & Sodalitio. Hinc, quoniam eminentia cum hiatu mortuorum animalium capita vel capitula simulacra abhorreere credebantur (qq) Lege Publica cautum fuit ne adnavigantes Islandiam rostris, vel exculptis capitibus uterentur. Similiter eos, qui no-

vam religionem acceperunt deferere irati credebantur & emigrare ex eorum viciniâ quod è Visione (rr) Thorhalli Vatis & (ss) Thorhildæ Venificæ clarescit.

(pp) Vid. loca Cith. Eyrb. S. & Landn. S. bangat Skylldi enginn V. þueginn lita, engo Skylldi granda þar i. Sellino, þuartti sic nie maunnom, nema Sialst geingi brott. h. e. Nemo illuc visum flederet, nec cui-dam animanti ibi, in Monte, nocere, fas esset, siue pecudes essent siue homines, nisi ultro recederent.

(qq) Vid. Initium LL. Ulstioticarum in Landn. Saga. Part. 4. Cap. 7. quæ illatæ fuerunt in Islandiam Anno Chr. 928.

(rr) Ol. Tr. S. Saga. Part. 2. Cap. 57. Ubi hic Thorhallus cognomine Vates apud Amicum Hallerum de fida in convivio aliquot ante diebus, quam Thangbrandus Sacerdos ab Olao Trigvino Rege inissus terram appelleret & fidem Christianam prædicare auspicaretur fugam Landvættorum videbat, de quo ita L. cit. *Uti myrgin, er þær uaukto bahir, þa brossi þorballe. Hallr mælti: Sui brosir þu nu: þorballe Suarar: af þui brosir ec at margr Goll opnaz oc hvort Kuifendi byr sinn Bagga, bæ þi sma oc stor, oc geora Sardaga.* h. e. Matutino quodam tempore, cum Ambo vigilarent (in cubili) Subridente Thorhallo inquebat Hallurus: cur jam Subrides? Respondit Thorhallus: eam ob rem Subrideo, quod multi tumuli aperiuntur & omnes Genii Sarcinas colligunt, majores & minores commigrantque.

(ss) Loc. cit. C. 66. Cum Thorhallus quidam Vir melioris notæ, Leprosus, Sacerorum in Islandia Boreali Antistes, per quietem monitus, Ethnicorum cultui nuntium remittere statuisset, & res Sacras diruere, Thorhilda quædam Venifica, eadem nocte hæc videns, ex vicino prædio, in mediis tenebris expergestis Servitiis jussit armenta sua & pecudes sub teſum colligi, ne obvia fierent iratis fugitivis Diis, dixitque inter alia: þaug uirþugligu Gof, er þier þafa leingi dirdfut uerit, uerþa at fya nauþig oc i grimmom Sug, oc atla at leita fier þalis oc Bustapar Nordr a Siglu. Nes. h. e. Augusti isti Di, qui hic diu culti fuerunt, fugam capere coguntur Inviti, infestæque animo, quæsituri sibi effugium & habitaculum, septentrionem versus in siglu-nesio (Borealis Islandiæ Promontorio.)

§. 32. Forte justo longius abiisse videar, cum ea, quæ de Land-vættis narrata sunt non tangere videantur Superstitionem Ignis subterranei: Verum contrarium apparebit cum instituto ordine ad finem perventum est. Ea enim mittere nequaquam potui, cum ipsa fundamenta sint fontesque hu-

jus

jus superstitionis. Imo multo plura dicenda fuissent de horum Geniorum natura, nostro inservitura proposito, nisi alio in loco, quæcunque ad eos pertinebant collegissem.

* Nimirum in Hist. Theol. Sect. 3. Cap. I.

§. 33. Id jam ostendendum restat; quomodo veteres Islandi & alii septentrionis incolæ; in eam opinionem venerint, quod Land-vætti ignem subterraneum dirigerent. Quoniam autem tam in Norvegia, quam aliis septentrionis terris ante habitatam Islandiam ignotus fuit ignis subterraneus & tamen ipsi Islandi cultum land-vættorum à Norvegis acceperunt (v. §. 28.) necesse est ipsi Islandi juxta cognitionem illam, quæ de Land-vættorum Proprietatibus habere se opinabantur, Incendia subterranea Land-vættorum iræ adscripserint, cum è montanis ipsorum habitaculis prodirent.

§. 34. Sed præterea duplex erat causa, eaque antiquissima hujus Islandorum Gentilium opinionis. Prior: quod a Diis superioribus Genios omnes sive Minores deos, potestatem vel permissionem dirigendi ignem accepisse crediderint, igne se muniendi & tanquam insigni vel divinæ virtutis indicio utendi. Ortum Deorum terrestrium quod spectat (tt) alio loco innui, cum quærendum esse in (uu) Populorum septentrionalium placitis circa naturam animæ præcipue post mortem in manibus vel Lemuribus, quos divinæ esse naturæ volebant; & si homines in vita, singularibus animæ corporisque virtutibus erant præditi, gaudebant felicitate & bono actionum successu, post mortem in Tumulis sepulcrisque vivere credebantur & vivorum actiones curare, unde statim adorabantur, colebanturque sacrificiis. Exemplo erunt (xx) Frejerus (yy) Grimerus Kamban primus Færöarum Incola & (zz) Rex Olaus Haldani Nigri Frater. Manium au-

tem Tumulos igne [perpetuo esse circumdatos tradidere veteres, ad cujus forte similitudinem in delubrorum aris (aaa) ignem nunquam exstingvendum ardere curarunt. Quo sepulcra coruscabant, *Hauga-Elldr* five Tumulorum ignis vocabatur, cujus exemplum subministrat (bbb) Grettleri Robusti vita, qui in Norvegia, cum Manibus Karii Prisci luctabatur, introgressus ejus tumulum Igne flammisque munitum; Et (ccc) cantilena Hervaræ viraginis ubi de Igne Patris Fratrumque sepulcrali agitur. Hac de causa etiam Geniis, qui cum Manibus loca subterranea habitabant, ignem veteres tribuerunt, ut Land-vættis Norvegiæ fugitivis, quos Satellites Olai Trigvini viderunt. (ddd) Et Gand-reiden-sibus, five qui in ære evitantes flamma cincti cædes & bella nuntiabant, ut (eee) Niali ejusque filiorum, qui anno 1010 in Incendio Berg-thors-hvolensi interfecti sunt. Nec non (fff) Rafneri nobilis, qui in Islandia occidentali anno 1213. decollatus est.

(tt) Vid. Not. ad Hist. Theol. Sect. 3. cap. 2. De Origine Nominis & superstitionis Alforum.

(uu) Ibid. Sect. 1. Cap. 2. & 4.

(xx) Sn. St. S. *Æfi Noruegs Konunga*. Part. 1. cap. 13.

(yy) Landn. S. Part. 1. cap. 94.

(zz) *Pattr Olafs Geirstafa Mss*, è Codice Regio Flateyensi.

(aaa) *Rialnesinga Saga*, cap. 3.

(bbb) *Grettla*, cap. 16. *Eitt Auðld sa Grettir Elldiminn gírdann a Nefino, of spurði hvað þat væri. Audun fuad, hann eigi þar umm uarda, sagði sa cirn mundi firi þeim Elldi rada, at eigi mundi gagn i vera um at foruitnast. Þar a Nefino stendr Haugr. stor og sterkr, þar var ilagdr þar hinn Gamli. h. e. Quadam vespere videbat Grettirus Ignem ingentem accensum esse in terræ lingula, quærebaturque quid ille significaret? Audunus respondit, hoc nihil ad eum pertinere, dicens talem forte esse ejus ignis Moderatorem, ut nihil profuturum esset eum explorare. Ibi in lingula situs est tumulus magnus & firmiter exstructus; in quo repositus est Karius Priscus.* (ccc)

(ccc) *Hervarar-Saga*, ubi *Hervara* ignem accedens canit: *Þírdom ei sælag þott elldar brenni*, h. e. Nolemus timere etiamsi ignes exarduant. Et cum ipsum superasset dixit: *Selz þottunz sec Geima i milli*, er mte umbuerfis elldar brunno, h. e. Nunquam ego mihi videbar in tanto fuisse Periculo, (quasi extra mundum essem abrepta), ut cum circa me ignes ardebant.

(ddd) *Ol. Tr. S. Part. 2. cap. 48.* Enn er þair haufdo geingit umm Stund i *Nattmirkino*, sea þair huar Elldr braun i *Gellir*, oc skundudo þau-gat til, þar sea þair Tröll maug sitea uit Elld og tauloþo sin a milli. h. e. Quum autem aliquantisper incessissent in nocturnis tenebris, videbant ubi ignis flagrabat in Antro & illuc properantes, conspiciebant Demones multos assidentes igni, & invicem confabulantes. conf. Hist. Theol. Sect. 3. cap. 1.

(eee) *Nials-Saga* Cap. 117. Ubi *Hildeglumus* quidam visionem vidit nostris, sub diu tamen agens, talem: *Leit þann i Vestir attina*, oc sa þangat Þring og Ellds lit aa, enn i Þringnum Mann a Graum Gesti, þann hafði legandi Brand i Gendi. h. e. Convertens oculos versus Occidentem, videbat illic circulum igneum & in circulo virum eqvo Gryfæo vectum, qvilmannu tenuit ardens tigillum.

(fff) *Sturlunga-Saga* Part. 4, c. 16. & *Rafns-Saga*, pag. (mihi) 87. Ubi *Thorbiorno* quidam videbat tres Genios in aëre equitantes, præmisso igne ardente. *Þann sa i Land-Sudr a Loptino*, hvar Elldr fór i Vestir enn eptir Elldinom sa *Þann Mann ríða*, h. e. Videbat in aëre, qua Evro notum spectabat, ubi ignis ferebatur versus Occidentem, quem homo equitans sequeretur.

§. 35. Præter allatam jam causam (§. 34.) altera, Posteriorque existit ortus superstitionis circa ignem subterraneum Land-vættis adscribendum, idea puta veterum, de jucunda vita, apud eos in montibus post mortem transigenda (§. 30.). Eos enim generatim alterius vitæ delicias & calamitates tales finxisse videmus, quales in hac vita maximas esse & maxime communes noverant. Ut (ggg) ludos; Gladiatorios, lardum, carnem suillam, Medonem & potum bonum in Valhalla & Cælis; in inferno autem venena, & serpentum morsus. Sic, ut veteres septentrionales consueverunt amicos suos & præsertim advenas, tanquam gratissimo

hospitalitatis domesticæ signo (hhh) accensa pyra in medio ædis pavimento cui communiter circumfederunt, & fovendo corpus colloquendoque tempus fefellerunt, excipere, ita confingebant, credebantve Land-vættos, cum homines vita emigrantes ad se in montes reciperent, omnimoda cum benevolentia tractare. Hanc ob causam legimus (iii) Thorsteinum Thorska-bitum Barbæ Mostrensis filium, (§. 30 & 31.) inter alia honorificæ hospitalitatis argumenta, etiam erectis multis pyris, Land-vættos eum in montem sanctum introduxisse,

(ggg) Vid. Eddam.

(hhh) Hujus generis exemplis scatent omnes historix, quas enumerare longum est.

(iii) Eirbe-Saga cap. 13. Þat var eitt Búeld, at Sauða mahr sa, at Gelfag-fell laust upp, oc brunnu inni i Giallinu Elldar storir. Geirdi Hann þar mikinn Glaum, oc beilsat Þorsteine Þorðar-byt. h. c. Vespe-re quodam videbat Opilio montem sanctum aperiri, & flagrare intus in monte ingentes ignes. Audiebat ibi magnos plaudentium clamores, salutatumque Thorst. Thorska-bitum.

§. 36. Postquam hæc expromissimus de igne in genere apud Land-vættos noto, quæ derivationem præsentis superstitionis faciliorem effecerunt, ad ipsum demum scopum procedendum est nimirum istam Gentium Borealium & in Specie primumque Islandorum opinionem quod Dii Terrestres vel Land-vætti ignem subterraneum moderarentur. Verum hæc opinio haud trita est in antiquis monumentis ævi gentilis, cum ante habitatam Islandiam Vulgus Hyperboreum nescierit Ignem Subterraneum (§. 33.) & à primo habitationis tempore, usque ad Ethnicismi finem, centeni tantum Viginti & Sex anni se circum egerint, qui non nisi Tres eruptiones notas produxerunt. Nihilo tamen Secius in antecedentibus, hanc superstitionem tanquam monstratam, jugiter supposuimus, ut à primis fontibus eam repetere daretur.

§. 37.

§. 37. Qvod enim ex his cunabulis illa surrexerit clarum est & evidens è primavorum Incendiorum Historia, licet enim expresse Land-vætti non nominentur, hoc nihil ad rem facit, qvonia ex ipsorum natura alibi explicata, clarescit; nullos alios Deos intelligi, eo excepto, qvod Dii Majores, ut Ochinus, Niördus &c. (§. 24.) Generali potestate Ignem omnem, ut cætera naturæ Elementa, in suo teneant imperio, æqvè ac Land-vættos ipsos, qvibus regimen terrarum & rerum subterranearum dederunt. (§. 20.)

§. 38. Incendium Orientalis Islandiæ, in Nomarchiæ Skaptá-fellensis Paroecia Alpta-ueri, qvod in antecessum, (§. 27.) attulimus, primum fuit spectaculum, qvod Ignis subterraneus hac in plaga edidit & colonis Norvegicis ostendit; cum autem non multo ante tempore (kkk) Hafnar-Likilus, ex Alpta-vero emigrâset, alii Opinabantur eruptionem eum præscivisse procul dubio per præmonitiones Deorum Terrestrium, qvi reliqvam hominum multitudinem (lll) hoc in opinato furore puniverunt coëgeruntqve sedes suas Igni relinqvere.

(kkk) Land-Nama-Saga Part. 4 cap. 12.

(lll) ibid. Par (i Alpta-ueri) uard Geolbigt af Jærd, Ellsdr raun ofan, þa stufo allir uestir til Jæfda bædu oc geþrdo þar Tialldabæfir, er hættir a Tialldabælli. h. e. Ibi (in Alpta vero) magna hominum multitudo sedes fixerat, ante id tempus, quo ignis terrestris erumpens defluebat, e monte Glaciali Myrdals-Jökli in subjectam terram) tunc omnes fugiebant ad Höfðabreccam & erigebant tabernacula, ubi nunc appellatur Tabernaculorum planities.

§. 39. Quadrans Occidentalis Islandiæ alteram Eruptionem protulit, qvæ non minori vehementia facta est. Hæc eveniebat in Paroecia Kolbeinstadensi, & itidem novitios accolos in sui admirationem rapiebat. Hic apertiora sunt nostræ superstitionis vestigia, confictum enim est, sive ex par-

te quadam fictum (mmm) Sel-Thorerum, ejusdem Viciniæ Antistitem (§. 30.) sub id tempus senio confectum & cæcutientem, in prædio quod ipse inhabitabat, vidisse in annis ostio, intervallo duorum milliarium, appellentem navicula, virum torvum, quo quis infestus & iratus ex Land-vattis intelligitur. Hic egrediebatur ad vicinum prædiolum quod **Hrip**i vocabatur, ibique Vespera in noctem multum provecta terræ superficiem aperuit, quasi per aperturam sublatentem Ignem esset educturus, qui quoque eadem nocte erupit horrenda violentia, non enim prædium modo ejectionis suis coobruit, sed & vastum circumjacentis terræ tractum, supra quatuor Mill. Dan. in circuitu tumulis & alta Saxorum congerie, produxit, quorum multa pars in liberum mare proruebat & non paucos, aliquot Stadiorum sinus, longitudine, fufis in Incendio dorsis formabat. In cratere Monticulus relictus est, interius vacuus, qui hodie in memoriam rei **Elld-borg** five arx ignis vocatur, rotundo enim munimento est valde similis.

(mmm) vid. Landn. Saga Part. 2. cap. 5. Þorir sa at Mahr Mikill oc Illi legr gef a land, til Bear þes er i Hrip bet oc grof þar i Staupal-þlibi. En umm Mottina tuam þar up Jarð-Elld oc bratt þa Borgar-Græun. h. e. Thorerus videbat virum vasto corpore, minacique vultu, in terram egredi ad villam quæ in Hripio vocabatur. ibique terram eruere in introitu sepimenti vaccarum. Nocte autem insequenti, erumpebat ibi ignis terrestris & tunc exarsit Saxetum Borgenfe.

§. 40. Hæc duo Incendia circa prima habitationis tempora evenisse constat, eorum enim sævitiam Primævi Habitatores Insulæ sustinuerunt. Alpta-verense prius accidisse videtur, cum paulo post inhabitatam terram ortum sit, circa annum 900. Borgenfe autem posterius, ut vergente multum ætate Thoreri, qui Puer in hanc terram devenerat, ut videtur, circa Ann. 919.

§. 41. In utraque Historia Superstitiones occurrunt, quæ Land-vattorum in Ignem subterraneum dominium stabilire videntur. In Priori favor in Rafnerum (§. 38.), in præmonendo & in Gnipum Capri-Biörnönis Patrem (§. 13.) ira, qui ignis violentia expulsus, ob patratas antea cædes mortem evitare non poterat, occisus subsequenti hyeme. Contra Capri-Biörno, paupertate & afflictis rebus pressus, ob ad spirantem postea fortunam, tam in ulciscenda cæde Patris quam bonis augendis Land-vattorum societate & intima amicitia claruit. Ita ut credulum vulgus verum esse putaverit, quod spargebatur, hos Deos, non solum ad capturas conventus, & omnes actiones exsequendas eum comitasse, sed etiam pecudes ejus fecundo initu multiplicasse. In posteriori similiter tam favor Deorum erga Sel-Thorerum, cui puello submarinus vir fata prædixerat, quam in specie revelationes oculorum eventuum, cum licet cæcutiens, remotus esset 2 Mill. Spacio, noctu tamen hoc irati Land-vatti factum fugere eum nequii.

§. 42. Cum igitur in utroque casu & Rationes Politicæ adesse potuerint. & Religiosæ, erumpente è terræ visceribus flamma, cum ignitis jaculis, subitam mortem vicinis minantibus, quorum omnium, ut plane insolitorum veras causas inspicere nequiverunt, non citius in aliam opinionem delabi poterant, quam quod hic effrenatus furor & summe horribilis in locis subterraneis ortus, quæ Land-vatti inhabitabant (§. 27.) iisdem quoque esset attribuendus, præsertim, cum ignem secum ducerent reagentque (§. 33. 34 & 34.) unde offensi, ad puniendos hostes, eum ex suis habitaculis mittere possent.

§. 43. Sed tertia ista ignis subterranei eruptio, in Ethnicismo

nicismo ultima, hanc Gentilium superstitionem potissimum confirmasse videtur, qui aperte dixisse feruntur, eum nihil aliud esse quam Deorum iræ flagrantis indicium. Accidebat hæc Erupcio in Australis Islandiæ provincia Olufesi, quatuor aut quinque Milliaria Dan. recta a Thing-val-lis, ubi Forum Islandorum Generale; (nnn) anno 1000, sub idem tempus, quo Legati Regis Olai Trigvini, in eodem foro voluntatem Regis & amplectendam Christianam fidem annuntiabant. Sed accepto hoc nuntio tota concio permovetur, ignem agnoscens signum iratorum Numinum. ob Legatorum Blasphemias & contra Deorum cultum pervasiones. Et sane hoc ponderosissimum negotium plane interturbatum fuisset & lis armis disceptata, nisi unus ex optimatibus Insulæ, qui hanc superstitionem, licet non adhuc Christianus, falsam esse perspexit & in hoc nexu rerum Reipublicæ]damnosam, monstrasset Ethnicis, Deos, non necessario hoc igne tanquam iræ indicio uti, cum anteaquam ab ul-lis hominibus inhabitata fuerat Islandia, Ignis sæviisset, & in ea evidentissima sui vestigia reliquisset.

(nnn) Vid. Krstin doms-Saga cap. II. & Ol. Tr. f. Saga Part. 2. cap. 67. þa kœm Maðr laupandi, og sagði at Jærdællur var Uppkœmmin i Olufesi, oc mundi laupa a Þæ Þorodds Gopa. Þa tofo Hæibnir menn til Orða: Vi ero undr i, at Gopinn væiþiz tælom slíkom. Svo Ri Gopi mælti: umm huat ræidduz Gopinn, þa er hier brann Hæu-nit, er nu staundom uier a. h. e. Tunc veniebat vir quidam currens, dicebatque terrestrem ignem erupisse in Olvesio in Villam Thoroddi Go-da rulturum. Gentiles dixerunt: non mirum est irasci Deos tali oratione. Snorro Godi dixit: cuinam irascebantur Dii, cum hic flagrabat æpretum, cui nunc insistimus.



